



Tuhaararhaq

Hivuliqti uqaqtuq aallangukniqtut havakviitni

IQALUIT, Nunavut (August 14, 2009) – Hivuliqti Eva Aariak uqaqtuq uplumi aallangukniqtut hivuliqtiitni havaagitni Nunavut Kavamanganni.

Kathleen Lausman havangnialiqtuq Tugliuluni Ministamun Nunalingni Kavamatkunnilu Pivikhaqautikkunni, taimaa piliqluni September 21, 2009 ngukkat. Ms. Lausman piyauhimayuuq atiiit titirarhimayuni uuktuqtuni havaaghaq angmangmat. Ayuittuuq titirauyariami igluqpakhanut nanminiit titiqqitjutait ayuittaitlu, Aulapkaiyillualihaakhunilu Nanminut Pivallivikhainnut Alberta Tuhaqtitaavikhaatigut, Apqutigut Tingmitjutihatigutluunniitni.

Minista Lorne Kusugak, Ministauyuq Nunalingni Kavamatkuniilu Pivikhaqautikkunni, ilauqatiriya Hivuliqti uvani tuhaararhanni. “Tunggahuqtittiumayara havaquyaulingmat Ms. Lausman, tuhinaqtuq 30 nik uqiuniq ayuittiaximayamingni igluqpanut munakhinirmun anggiyuniqlu nappaqtirinirmun ilitturipluni ayungnaqtunilu katimayiini havaaptingnut ayuittuuq,” uqaqtuq Minista Kusugak.

Minista Kusugak ilauqatiriyaalu Hivuliqti quyariyiumaplugu David Akeeagok havakpangmat Nunavunmiunut, havaaqalihaakhunilu Tugliupluni Ministamun Nunalingni Kavamatkunnilu Pivikhaqautikkunni. Hivuliqti Aariak ilittiriumapluni, mamiahukhuni taimaalingmat, kihimi aliahuqpaqtuqtauq talvunggaulingman nunagilluavaqtaanni Hivuliqti, Ikpiaryuqmi, havangnahualingman talvani, havakhimaangniakhuni Nunavunmiunut. Aullangmat mr. Akeeagok May 15, 2009 ngutillugu, Shawn Maley Tugliugakaffukhuni havakpaqtuq Havakviinmut. “Quyariyiumayara Mr. Maley tamaitalu havakpaqtut havakvikmi havakpiaqpangmatta kaffini tatkihiutini, havakyuangnakhitillugulu auyami nappaqtirinitigun umiagitlu havalipiaqtillutik, uqaqtuq Hivuliqti Aariak.

Bruce Rigby havangniaqtuq Principal Secretary ngulluni Hivuliqtimun, havaligluni September 1, 2009 ngukkat. Mr. Rigby kivraqtuivaqtuq Anggiyuqqaagupluni Qulliq Aulatjutinut Kuapuraisigatni 2008/09 mi. Aulapkaiyilluagupluni Nunavut Ihivriunirmun Havakviani taimaa pilingmat Nunavut Kavamatkut 1999mi. Hivuliqtiuvakhuni pivallivikhaannut Nunavunmi Nunallaanut Havaanut Ayuikhagutinggitnivikhanut Nunavut Iningnirit Ilihaivikhaitnut Ihumaliukhutik Ilinniaqtuliyiyikkunni, havakpakhunilu Anggiyuqqaagukaffukhimapluni Nunavut Arctic College Ilihaivianni.

“Tunggahuqtittiumayara Bruce afisimnut,” Hivuliqti Aariak uqaqtuq. Ayuimat aallatkiingniq ikayuutauniaqtuq kavamaptingnut nakuuyumik”.

Mr. Rigby havaaginaliqtaa Robert Carson havaagaluaga Principal Secretary gukaffuktitaupluni talimani tatkihiutini atulihaaqtuni havaktitauhimakaffukhuni. Mr. Carson aullangnialiqtuq ilihariaqtuqluni Ilihaivikyuami Edinburgh mi talvunggauquyugami imaa illuni Pulaangnirmun Ilihailuni talvani Kanataup Ilihagutainni.

Hivuliqti Aariak ilitturipkaiyuq qinikhiatillutik havaktikhamik Anggiyuqqaaguyukhamik Nunavut Igluliyiyiryuakkunni nakuuyumik pitjutiyut huli imaalu niriutuq tuhaqtpkaiyaaffaami September mi.

###

Naunaittiagumaguvit takulugu hivayaqluguluunniit:

Lena Kilabuk
Aulapkaiyilluagukaffukhimayuq, Tuhaararhaviqqiyikkunni
Kavamaliqqiyikkunni
867-975-6048

ᐱᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ, www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.

Tuhaqtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.